



Administrativna komisija Gradskog vijeća Grada Sarajeva

Broj:
Sarajevo,

Na osnovu člana 7. stav (5) Odluke o platama i naknadama u organima Grada Sarajeva ("Službene novine Kantona Sarajevo" broj: 4/23), i člana 49. stav (1) pod a) Poslovnika Gradskog vijeća Grada Sarajeva ("Službene novine Kantona Sarajevo" broj: 28/09, 11/20 i 19/20), po zahtjevu gradskog vijećnika Pleše Roberta, Administrativna komisija Gradskog vijeća Grada Sarajeva, na 60. sjednici održanoj dana 20.11.2023. godine, donijela je

RJEŠENJE

1. **Pleše Robert**, gradski vijećnik Grada Sarajeva, ostvaruje pravo na refundaciju troškova za zdravstveno i penziono osiguranje, u skladu sa Zakonom o penzionom i invalidskom osiguranju ("Službene novine Federacije Bosne i Hercegovine" broj: 13/18, 93/19 – odluka US, 90/22 i 42/23 – odluka US) i Zakona o zdravstvenom osiguranju ("Službene novine Federacije Bosne i Hercegovine" broj: 30/97, 7/02, 70/08, 48/11, 36/18 i 61/22), kao i ostalim pozitivnim propisima vezanim za predmet osiguranja.
2. Imenovani ostvaruje pravo na refundacije troškova za zdravstveno osiguranje počev od juna 2023. godine i pravo na refundaciju troškova za penziono osiguranje počev od 27. oktobra 2023. godine do ostvarivanja navedenih osiguranja po drugom osnovu, a najkasnije do prestanka mandata gradskog vijećnika u Gradskom vijeću Grada Sarajeva.
3. Isplata refundacije troškova iz člana 2. ovog Rješenja, kao i porezi i doprinosi na iste, će se vršiti iz sredstava Budžeta Grada Sarajeva nakon dostavljanja uplatnica od strane imenovanog lica.
4. Za realizaciju ovog Rješenja zadužuje se Gradska službi finansija.

Obrazloženje:

Pravni osnov za donošenje ovog Rješenja sadržan je u odredbi člana 7. stav (5) Odluke o platama i naknadama u organima Grada Sarajeva kojom je propisano da ukoliko gradski vijećnik, po drugom osnovu, ne ostvaruje pravo na zdravstveno i penziono osiguranje, na njegov zahtjev i uz predočenu relevantnu dokumentaciju ima pravo na refundaciju troškova osiguranja iz budžeta Grada Sarajeva, u toku trajanja mandata. Članom 49. stav (1) tačka a) Poslovnika Gradskog vijeća Grada Sarajeva propisano je da Administrativna komisija utvrđuje prijedloge akata kojima se uređuje pitanje naknade za vršenje vijećničke funkcije i drugih primanja gradskih vijećnika, te donosi odgovarajuće akte za njihovu primjenu, kao i pojedinačne akte o plaćama i naknadama za vršenje funkcije gradskog vijećnika i o drugim naknadama vijećnika, u skladu sa odgovarajućim aktima Gradskog vijeća.

Gradski vijećnik Pleše Robert obratio se Zahtjevom za priznavanje i refundiranje troškova za dobrovoljno PIO/MIO i zdravstvenog osiguranje. Uz Zahtjev je priloženo Rješenje Zavoda zdravstvenog osiguranja Kantona Sarajevo broj: UP1-03/1-33-1-4427/23 E.LJ.H. od 07.11.2023. godine kojim je Pleše Robertu utvrđeno pravo na obavezno zdravstveno osiguranje počev od dana 27.10.2023. godine i to u iznosu od 5% od prosječne bruto plate isplaćene na području FBiH prema posljednjem objavljenom podatku Federalnog zavoda za statistiku. Imenovani je također priložio i Rješenje Federalnog zavoda za penzijsko i invalidsko osiguranje broj: FZ12/2/1-31-4-1422-2/23 od



30.10.2023. godine kojim je imenovanom dozvoljeno osiguranje na dobrovoljnoj osnovi počev od 27.10.2023. godine s tim da osnovicu obračuna doprinosa predstavlja prosječna plata u skladu sa članom 6. stav (2) Zakona o doprinosima ("Službene novine Federacije Bosne i Hercegovine" broj: 104/16). Naprijed navedenim rješenjima imenovani je obavezan da dostavlja mjesečne prijave doprinosa lično organu koji je izdao rješenje. Uz Zahtjev imenovani je dostavio i uplatnicu o izvršenoj uplati doprinosa za zdravstveno osiguranje Kantona Sarajevo u iznosu od 501,57KM za period juni-novembar, a koju uplatu je bio obavezan izvršiti shodno članu 27. Zakona o zdravstvenom osiguranju ("Službene novine Federacije Bosne i Hercegovine" broj: 30/97, 7/02, 70/08, 48/11, 36/18 i 61/22), kao i uplatnicu doprinosa za penziono osiguranje u iznosu od 288,83 KM za mjesec novembar. Razmatrajući podneseni Zahtjev, donosilac Rješenja je odlučio da se istom može udovoljiti, te se Pleše Robertu priznaje ostvarivanje prava na refundaciju troškova za zdravstveno i penziono osiguranje na način kako je to riješeno u ovom Rješenju, a sve u skladu sa članom 7. stav (5) Odluke o platama i naknadama u organima Grada Sarajeva.

Pouka o pravnom lijeku:

Protiv ovog Rješenja može se izjaviti žalba Komisiji za drugostepeno upravno rješavanja Gradskog vijeća Grada Sarajeva u roku od 15 dana od dana dostavljanja istog.

Predsjedavajući Administrativne komisije

Jasmin Ademović

Dostaviti:

- Imenovanom;
- Administrativnoj komisiji
- Gradskoj službi finansija;
- Personalni dosje
- a/a